

Aanaar škovlá almottuvvojeh uuccâmnáál čuávvo virgeh já tooimah:

### **Máttááttiejee virgeh, meriáigán 1.8.2021-31.7.2022**

1. Juátka uuccâmäigi: Luokamáttááttiejee, máttááttâskielâ tavesämikielâ, soijimsaje Aanaar škovlá. Hiättun annoo uápásmem ovdâ- já algámáttááttâsân sehe ohtsášluokkamáttááttâsân. Máttááttâs puáhtá leđe meid eres luokkataasijn. Virgeest lii neelji mánuppaje keččâlemäigi.
2. Ovdámáttááttiejee, tavesämikielâlâš máttááttâs, soijimsaje palvâlemkoskâvuodâ älgidijn Aanaar škovlá. Máttááttâs puáhtá leđe meid eres luokkataasijn. Virgeest lii neelji mánuppaje keččâlemäigi. Škovliittâs, mii occest váttoo, lii luokkamáttááttiejee, párnáikârdimáttááttiejee, šoddâdemtiettu kandidaat tâi sosionom (AMK) tođhos (mii ana sistees ovdámáttááttâstohálâšvuodâ). Ovdámáttááttâs máttááttiejee tohálâšvuotâ lii oovdânpuohtum asáttâsâst máttááttâstooimâ pargovievâ tohálâšvuotâvátámâšâin (3 Loho, 7 §).

Tohálâšvuotâvátámâšah máttááttiejee virgijd láá asáttâs (986/1998) miäldásiih.

Pälkki meriduvvo kieldâlii máttááttâspargovievâ virge- já pargoiähtusopâmuš miel. Toos lasseen kieldâ máksá tääl fastâ virgehaldâšiejid 3% Aanaar-lase.

Viirgijn, main máttááttâskielân lii anarâš-, nuorttâlâš- tâi tavesämikielâ, tohálâšvuotâvátámâšâin lii lasseen ton sämikielâ táidu. Talle annoo hiättun, jis occest lii oovdânpyehtid miinii vyelni orroo kielâtááidu čäittee uápuin tâi kielâtááidu čäittee tuodâštusâin:

- oppâm válduamnâsin sämikielâ (tođhostuodâštus uápuin)
- čodâldittâm sierâ 60 oč viđásijd uápuid sämikielâst (vuáđu- já amnâsuápuh)
- oppâm sämikielâ luvâttuvâst eenikiellân já čáállám tom pajeuáppeiskosijn já finnim árvusäännin ucemustáá cum laude approbatur (tuodâštusah)
- oppâm sämikielâ vieres kiellân vuáđumáttááttâsâst já/tâi luvâttuvâst já oomâst kielâtotkos alemuu árvusääni västideijee tiäđuid já tááiduid (sierâ čiälkkámuš ollâopâttuvâst, ollâškoovlâst tâi eres lyetittettee peeleeest)
- sárnu sämikielâ eenikiellân já oomâst kelijdeijee sämikielâ kirjálii tááidu (sierâ čiälkkámuš ollâopâttuvâst, ollâškoovlâst tâi eres lyetittettee peeleeest)

### **Škovlâjotteemstivrejeijee toimâ, meriáigán 9.8.2021 – 10.6.2022**

1. Škovlâjotteemstivrejeijee, vátámâšâin tavesämikielâ tâi anarâškielâ táidu. Soijimsaje palvâlemkoskâvuodâ älgidijn Aanaar škovlá. Pargo ana sistees sehe škovlâjotteemstivrejeijee já eehidpeivistivrejeijee pargoid. Pargokoskâvuodâst lii neelji mánuppaje keččâlemäigi.
2. Škovlâjotteemstivrejeijee, sämikielâ táidu annoo hiättun. Soijimsaijeen palvâlemkoskâvuodâ älgidijn lii Aanaar škovlá. Pargo ana sistees sehe škovlâjotteemstivrejeijee já eehidpeivistivrejeijee pargoid. Pargokoskâvuodâst lii neelji mánuppaje keččâlemäigi.

Tohálâšvuotâvátámâšâin škovlâjotteemstivrejeijee pargoid lii paargon hiäivulâš áámmátlâš vuáđutođhos tâi oovdeb škovlâtäási áámmátlâš tođhos tâi áámmáttođhos tâi sierânâsáámmáttođhos. Kuulmâ portháá torjuu tubdâm annoo occei hiättun. Pälkki meriduvvo kieldâlii virge- já pargoiähtusopâmuš miel.



Šleđgâliih ucâmušah virgijd já toimáid, moid kalga lahteđ tohálášvuodâ čäittee tuodâštusâid já nommâkirjevâldus tâi ánsuluvâttállâm, toimâttuvvojeh čujottâssáin <http://www.kuntarekry.fi/>.  
Ucâmušah kalgeh leđe vyerkkejum vuáhádâhân vástuppeeivi **4.6.2021** tijme **15.00** räi.

Viirgán tâi tooimân väljejum kalga toimâttiđ škoovlâ rehtorân tiervâsvuotâtuodâštus sehe laavâ (504/2002) miäldásii rikosregistervâldus majemustáá 30 peeivi keččin valjimmiärádâs tiättunfinniimist.

Tiäđuštálmeh:

- Aanaar škoovlâ rehtor Marja Seilonen, puh. 0400 232 662

